



VACCINAZIUN CUNTER COVID-19

Infurmaziuns per creschids cun ina malsogna cronica e per persunas a partir da 65 onns

Patis Vos d'ina malsogna cronica?

Avais Vos 65 onns u dapli?

COVID-19 è privlus per Vos.

Nus recumandain perquai: As laschai vaccinar.

Pertge è COVID-19 privlus per Vos?

COVID-19 po avair per Vos consequenzas gravantas u schizunt fitg gravantas. Vos pudais per exempel avair difficultads da respirar en cas da malcostas. Sche quai capita, duvrais Vos oxigen e stuais ir a l'ospital. I po durar ditg fin che Vos essas puspè saun/a. Sch'ìls sintoms da COVID-19 sa pegiureschan, stuais Vos vegnir tractà/tractada sin la partiziun da tgira intensiva. Forsa duvrais Vos in respiratur ch'As gida da trair flad. COVID-19 po ultra da quai donnegiar er auters organs e manar a la mort.

En cas da tge malsognas cronicas recumandain nus ina vaccinaziun cunter COVID-19?

Nus recumandain d'As laschar vaccinar, sche Vos avais:

- pressiu dal sang auta
- malsognas dal cor e da la circulaziun
- diabetes
- malsognas da la via respiratorica
- cancer
- malsognas e terapias che indebleschan il sistem d'immunitad
- bler surpais

Sche Vos faschais part da la gruppa da persunas cun malsognas cronicas cun la pli auta ristga: Vossa media u Voss medi vegn ad As recumandar urgentamain la vaccinaziun il pli svelto pussaivel.

È la vaccinaziun efectiva e segira?

Mintga vaccin dovra en Svizra in'admissiun ed ina recumandaziun. Per obtegnair quellas sto el ademplir auts standards da segirezza, efficacitad e qualitad. Swissmedic, l'Institut svizzer per meds terapeutics, ha examinà minuziusamain il vaccin cunter COVID-19 ed al ha admess. Il vaccin è segir ed effectiv. Gia pliras dieschmilli persunas èn vegnidas vaccinadas en il rom da studis. Il vaccin è era segir ed effectiv tar persunas cun ina vegliadetgna pli auta e cun malsognas cronicas. Ils studis mussan ch'i na dat fin ussa (stadi mez december 2020) nagins effects secundars gravants. Swissmedic surveglia era vinavant la segirezza e l'efficacitad dal vaccin.

En general vala: La ristga d'effects secundars gravants suenter ina vaccinaziun è bler pli pitschna che la ristga d'avair in grev decurs da la malsogna COVID-19.

Tgi na duess betg sa laschar vaccinar?

A questas persunas na recumandain nus betg da sa laschar vaccinar cunter COVID-19:

- Umans cun ina greva allergia confermada cunter ina cumponenta dal vaccin (surtut PEG).
- Dunnas en speranza.
Fin ussa na datti anc naginas datas areguard la vaccinaziun durant la gravidanzaa.
- Uffants e giuvenils sut 16 onns.
Fin ussa na datti anc naginas datas areguard la vaccinaziun en quella gruppa da vegliadetgna.

Nua chattais Vos ulteriuras infurmaziuns?

Ulteriuras infurmaziuns davart la vaccinaziun cunter COVID-19 chattais Vos sin la pagina-web da l'UFSP: www.bag-coronavirus.ch/impfung (en tudestg) Contactai en cas da dumondas Vossa media u Voss medi u As infurmai en Vossa apoteca.

www.bag-coronavirus.ch/impfung Infoline vaccinaziun cunter COVID-19: 058 377 88 92



**USCHIA ANS
PROTEGIN NUS.**



www.bag-coronavirus.ch/impfung Infoline vaccinaziun cunter COVID-19: 058 377 88 92



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Bundesamt für Gesundheit BAG
Office fédéral de la santé publique OFSP
Ufficio federale della sanità pubblica UFSP
Uffizi federal da sanadad publica UFSP



ulteriuras
infurmaziuns